



Preziadas parochianas, preziai parochians

Temps extraordinaris pretendan mesiras extraordinarias. Aschia informein nus bugen Vus sur dallas purschidas che nossa pleiv offerescha a Vus duront quei temps malgues:

- Mintga dumengia allas 10.00 uras tuccan ils zenns da nossa baselgia ed envidan Vus all'oraziun dalla dumengia **a casa**. Sur Bronislaw celebrescha la messa dalla dumengia **en assenza** da parochianas e parochians.
- **Mintgamai la dumengia anfleis Vus in'oraziun ni in messadi che va a prau cun la dumengia actuala en baselgia ni sin nossa pagina d'internet: www.pleiv-laax-falera.ch.**
- Las messas duront l'jamna vegnan celebradas da sur Bronislaw **en assenza** da parochianas e parochians.
- Las messas fundadas che curdassen en quei temps vegnan pridas suenter pli tard.
- Sin nossa pagina d'internet: www.pleiv-laax-falera.ch anfleis Vus ina schelta da links che porschan a Vus agid per far oraziun persunala a casa ni alternativas allas messas usitadas.

DUMENGIA DA PALMAS

- La **dumengia da palmas, ils 5 d'avrel** benedescha sur Bronislaw las palmas. Naven dallas 11.00 uras sesanflan las palmas benedidas avon baselgia ed envidan da prender ellas a casa.

JAMNA SONTGA

- **Gievgia sontga, ils 9 d'avrel** celebrescha sur Bronislaw la messa dalla davosa sontga tscheina **en assenza** da parochianas e parochians.
- **Vendergis sogn, ils 10 d'avrel** celebrescha sur Bronislaw la liturgia da vendergis sogn **en assenza** da parochianas e parochians.
L'unfrenda da Cureisma vegn rimnada sco mintg'onn il vendergis sogn.
Duront quei gi stat ina cassa a Vossa disposiziun en baselgia. En quella saveis Vus deponer Voss'unfrenda da Cureisma. La cassa vegn svidada regularmein.
- **Sonda sontga, ils 11 d'avrel** celebrescha sur Bronislaw la liturgia dalla levada **en assenza** da parochianas e parochians.
Duront quella liturgia benedescha sur Bronislaw l'aua ed il fiug da Pastgas.
La dumengia da Pastgas naven dallas 10.00-12.00 uras envidein nus Vus da prender a casa la glisch da Pastgas e l'aua benedida che sesanflan en baselgia.
- **Dumengia da Pastgas, ils 12 d'avrel** celebrescha sur Bronislaw la sontga messa da Pastgas **en assenza** da parochianas e parochians.

La baselgia resta aviarta sco usitau per ina viseta ed oraziun persunala.

Persunas che giavischan la Comuniun a casa, la sontg'uncziun ni in discuors pastoral astgan s'annunziar da tut temps tier sur Bronislaw, telefon: 081 921 41 12.

Nus sperein da saver regalar a Vus cun quellas purschidas in tec glisch e speranza en quei temps

*sur Bronislaw
e la suprastanza dalla pleiv roman-catolica Laax*